



Universitätsbibliothek Paderborn

**Origines Benedictinae, Siue Illvstrivm Coenobiorvm Ord.
S. Benedicti, Nigrorvm Monachorvm, Per Italiam,
Hispaniam, Galliam, Germaniam, Poloniam, Belgium,
Britanniam, aliasque Prouincias. Exordia Ac ...**

Le Mire, Aubert

Coloniae Agrippinae, 1614

Ordo & monasterium Vallis-Caulium, Gallice Le Priorè du Grand Val de
Choux, in Ducatu Burgundiae.

urn:nbn:de:hbz:466:1-11261

te nominatur, quorum caput & originale monasterium in partibus est Aquitaniae. Hi siquidem Grandis montis fratres a principio ordinis prudenter instituerunt, quod monachi spiritualibus & diuinis officijs tantummodo intenderent, temporalium administratione & prouidentia laicis fratribus credita & relitta. Regulam autem & instituta Cisterciensis ordinis in alijs omnibus penè obseruant, excepto quod nunquam carnes, postquam professionem fecerunt, de cetero licet eis manducare, quantumcumq; aegritudine prægrauentur.

Ordo & monasterium Vallis-Caulium, Galice
Le Prioré du Grand Val de Choux, in
Ducatu Burgundie.

Vallis Caulium sita est in siluis, inter Diuionem & Augustodunum Ducatus Burgundiæ opida, in diœcesi Liñgonensi, à qua ordo seu congregatio quædam Reformatæ monachorum ordinis S. Benedictino-men accepit. De cuius quidem origine agit Chassenæus in Catalogo gloriæ Mundi parte 4. consid. 58. Sunt autem in Burgundia Prioratus huius ordinis circiter triginta: Ut Vallis Benedicti iuxta Augustodunum, Vallis-Cres-tens, prope Sedelocum & alij. Sic ferè Choppinus lib. 2. monasticon tit. 2. §. 20.

Demonachis Vallis-Caulium, (corruptè legitur Callium) sic Vitriacus historiæ Ori-

entia-

entalis cap. 17. Sunt alij fratres in Episcopatu Lingonensi, monachi Deo amabiles, & valde Religiosi, qui de Valle Callium nominantur. Hi Cisterciensis ordinis instituta virtu & vestitu & Diuinis officijs & in omnibus alijs distincte & diligenter obseruant, excepto, quod cellulas modestas, causa maioris tranquillitatis & pacis sibi construxerunt, vt in eis, tempore meditationis, lectionis, orationis tanto deuotius, quanto secreius clauso sensualitatis ostio intra cubiculum suum soli Deo vacare queant. Adeo autem ab omni exterioris curae præputio, corda sua circumcidere studuerunt, quod nec greges, nec armenta, nec terras arabiles nec alias habent possessiones, nec temporalibus occupati sollicitudinibus & curis huius seculi, ab intentione spirituum retardentur. Præfixerunt autem extra septa monasterij sui terminos, quos non licet eius euagando, praterire. Solus autem Prior cum aliquo de fratribus suis, vt subiecta sibi visit et monasteria, vel alia necessaria causa potest exire, reliquis simplicibus fratribus in domo velut Iacob commensantibus.

{:0:}

CAP.

